

EXAVDI!Sub auspiciatissima huius hebdomadis
luce,**BONA OMINA***tædis connubialibus***V I R I***Clarissimi Doctissimi* DOMINI**M. DANIELIS
NISII,**Gymnasii, quod Budissæ floret.,
Collegæ VI, meritissimi,*Honestissima omnique virtutum decore exsplendescenti***V I R G I N E****IOHANNA
ELISABETHA****V I R I***Admodum Reverendi* ^{olim} *Doctissimi* DOMINI**JOHANNIS KNOECHERI**

fidelissimi Ecclesiæ, quæ DEO Audigasti

in circulo Pegaviensi

colligitur, Pastoris

post beatum obitum relicta natu minori filia

d. 3. Junii A. S. R. M. DCC XV.

Sacerdotali foedere Audigasti conjungendis

apprecatur & gratulatur

*Gymnasii Budissinensis Magisterium.**Budissæ Literis Richterianis.*

Kapsel 78 N 13 [101]

AK

Semper ab immenso Divini Numinis aures
Cælo devotos fletus & vota piorum,
Celsa per ætherei penetrantia limina templi,
Exaudiverunt, cum vel fatalia damna
Asper & iratæ fortunæ vultus, acerbæ
Elicerent lacrymas, aut cum malefacta nefanda
Attraherent meritæ justissima tormina pænæ.
Ille nec immergi navem permittit aduncam
Nostram fluctuâgi spumantibus æquoris undis,
Cum furit Oebaliæ violentior ira Maleæ,
Atque Capharæi cum ponti saxa minantur
Ignibus ostensis fragiles lacerare carinas.
Si, cum jam nobis vitæ spes omnis adempta est,
Et fluctus rapidi suffocant penerudentes,
Nos modo submissas ad sidera vertere palmas,
Ejus & auxilium, gratumque vocare levamen
Non piget, exaudit clamores mente benigna,
Et fera ventorum, velis contraria nostris,
Flamina cæruleas abscondit rursus in undas.
Hujus & ipse rei Tu Vir Clarissime testis
Certior esse potes; Numen, quæcunque rogasti,
Auribus accepit placidis, minuitque querelas.
Audiit ille preces, quas pro te misit in auras,
Cum sacro corpus perfunderet amne sacerdos,
Et lustralis aquæ flumen tua perluit ora,
Candida amicorum præsentum turba piorum.
Ille dein teneros annos protendit, & ipse
A primis cunis audiit singula vota,
Quæ pro felici serie faustoque juventæ
Successu superas volitarunt semper in ædes.
Et postquam spatium succrevit adultior ætas,
Nec prætexta tuos velaverat amplius artus,
Et jam tentabas studiis intendere mentem,
Musarumque choros omnes comitarier, atque
Pellere barbariem summa virtute studebas;
Audiit ille preces, & vota petentia cælum,
Ingeniumque dedit tantis conatibus aptum,
Atque tuis studiis successus præstitit almos.
Insuper & nondum vires ex asse politas
Ut magis atque magis capere incrementa videres,
Audiit ille preces, & primam tradidit illam

Ætatem claris Doctoribus atque Magistris,
 Quos teneros animi cultus formare decebat,
 Quique tuis studiis, quicquid vel defuit ante,
 Artibus ingenuis addant, penitusque capaci
 Imprimerent animo doctrinæ munera veræ.
 Audiit ille preces, cum te post gymnica facta
 Ædes Musarum, quam nunc Tritonia virgo
 Incolit, antiqui deletis temporis ira
 Delubris græcis, Philyrea palæstra teneret,
 Atque per undenos per longi temporis annos
 Felicem optares studiis imponere metam.
 Audiit ille preces, operæ cum præmia longæ
 Sudorisque tui præberent mœnia dicta,
 Quæ lambit triplex congressi fluminis unda,
 Cum tua Phœbea florerent tempora fronæ,
 Sertaque præstantes digne implicitura capillos
 Ornarent hederæ caput, ornarentque corymbis.
 Audiit ille preces, cum te tua terra iuvaret,
 Et natale solum redeuntem Palladis arce,
 Semper ubi nomenque tuum laudesque manebunt,
 Exciperet, patriasque tuas ostenderet oras.
 Audiit ille preces supremo rursus ab axe,
 Cum tua sedulitas & mens pertæsa quietis,
 Post exantlatos studiorum mille labores,
 Præmia speraret gratos redolentia fructus,
 Et doctis dotes doctrinæ ostendere vellet.
 Audiit ille preces, Patronos atque faventes
 Addidit haud paucos, qui te, doctasque sorores
 In te conspicuas oculis cognoscere possent.
 Audiit ille preces, nobis sociisque Magistris,
 Dum faciles animi juvenum, dum mobilis ætas,
 Mentem ad studium primas formare calentes
 Iussit, & in rudibus tua semina spargere terris,
 Ut crescant segetes, messes surgantque feraces
 In patriæ fructus & commoda plurima nostræ.
 Iamque tuis studiis multis progerminat ætas
 Mollis & apta regi, virides segetesque creabis,
 Quas nunquam poterit lapidosi grandinis imber,
 Prosternens alias herbas, nec cana pruina
 Delere, aut operas tantæ deperdere molis.
 Audiit ille preces, vires largitus ab alto,

ut

Ut fungi officio tanto, possisque mole sti
 Muneris illius duros perferre labores.
 Ast, cum nec liquido semper fluat æthere nimbus,
 Sed Titan rursus deducat nubila cælo,
 Sic nec perpetuo decet invigilare labori,
 Ut nunquam exhilarent depressam gaudia mentem,
 Quæ semper ferro curvi finduntur aratri
 Fructibus assiduis languentia rura senescunt.
 Audiit ergo preces, dedit & quod ludere possis,
 Quod tibi finita multo sub pulvere cura
 Possit languentes artus & membra fovere.
 Iamque tori celebras genialis festa sacrata,
 Solennesque faces thalami, tædasque jugales
 Præducunt pueri, sponsa spargente capillos.
 Cincta venit virgo matrum nuruumque caterva,
 Amplexusque tuos veneratur & oscula sumit.
 Audiit ille preces a te sæpissime fusas,
 Et tribuit thalami sociam castamque piamque.
 Hæc fidei constans annos intacta per omnes
 Absque ullis maculis servat socialia jura.
 Te cupit & solum te vero semper amore
 Prosequitur. Patriæ vera est virtutis imago
 A teneris annis natam qui vivere caste
 Atque pie docuit, quo sit sine labe venusta.
 In vitæ extremos concordia floreat annos,
 Una juvet facies, semper mens una duobus,
 Una quies, unusque labor sit & una voluntas.
 Hæc nisi firma viret virtus contraria liti,
 Lectus amat luctum, thalamus tumultumque parabit.
 Audiit Omnipotens cæli moderator ab axe,
 Quæ tu pro socia flagrantia vota dedisti,
 Audiit, & thalamum castum, sociamque pudicam
 Unanimique dedit conjunctam pectore sponjam.
 Audiet ille preces venturo tempore vestras,
 Audiet & duplici sociata precamina palma,
 Et dabit, ex animo vobis quæcunque placere,
 Et vestram poterunt dulcedine pascere mentem.
 O Deus! o Numen! Tu nostris annue votis.
 Et tua cum voces audivit gratia sponsi,
 Audiet & duplici sociata precamina palma,
 Audiat atque preces pro sospite fœdere nostras.

EXAVDI!

Sub auspiciatissima huius hebdomadis
luce

BONA OMINA

tædis connubialibus

V I R I

riissimi Doctissimique DOMINI

**DANIELIS
NISII,**

*ymnastii, quod Budissæ floret.,
Collegæ VI, meritissimi,*

cum
omnique virtutum decore exsplendescenti

VIRGINE

HANNA

ISABETHA

V I R I

olim
um Reverendi & Doctissimi DOMINI

NNIS KNOECHERI

ssimi Ecclesiæ, quæ DEO Audigasti

*in circulo Pegaviensi
colligitur, Pastoris*

st beatum obitum relicta natu minori filia

3. Junii A. S. R. M. DCC. XV.

*tali fœdere Audigasti conjugendis
apprecatur & gratulatur*

Gymnastii Budissinensis Magisterium.

Budissæ Literis Richterianis.



Kapsel 78 N 13 [101]

AK

